

折疑論卷第五

茲十

金臺大慈恩寺西域師子比丘迷註

言符第十九

此篇聯合三教之理故曰言符

客曰夫孔佛二教其殊合之道或得其梗槩矣

華

爾雅郭璞曰梗槩者大畧也亦曰大槩也

客曰儒佛二教其殊別合同之道或然得其大畧矣

未審老氏之言與夫儒佛之語敢問亦有同乎

未敢審詳老子之言與吾夫子及佛之語亦有相同乎

妙明曰有但時有淳澆機有大小隨其所適有則固有但時世而有淳厚澆漓之機有其大小不同如漢書曰澆淳散樸皆各隨

其所適從也

教有淺深雖不能全同而亦有可同之語也然立教而有淺深雖不得二而全同亦可同之語說見下文

孔子云中人以上可以語上也中人以下不

可以語上也

語去聲論語語告也言教人者當隨其高下而教則其言易入而無獵等之蔽也

老子云上士聞道勤而行之中士聞道若存若亡下士聞道大笑之

上士之人唯智非愚勤行於道中士之人聞其道則可上可下矣下士之人唯愚非智返笑聖道故上士悟中士疑下士迷故不同也

佛云大根大莖大枝大葉中根中莖中枝中

葉小根小莖小枝小葉

法華經云上中下三吊者即三乘也

達磨九年不語

祖師由傳聖道航海而來少林面壁九年不言

畢

二

顏回終日如愚

論語孔子曰吾與回言終日不違如愚

老子曰多言數窮不如守中

頻數也道不屬言言多數而氣窮不如守一中之道也

季康子患盜問於孔子孔子對曰苟子之不
欲雖賁之不竊

春秋季康子爲政憂盜賊以問於孔子孔
子曰且上若不貪欲則雖賞民使之爲盜
民以知耻而不偷盜也

老子曰不貴難得之貨使民不爲盜

金玉之類乃難得之寶貨上若貴之而民
亦愛之上若不貴而下民亦不爲盜矣
佛云不得畜金銀生像

沙彌十戒中佛云不得畜積金銀之器像

也

尚書云汝惟不伐天下莫與汝爭功

伐誇也汝你也你若不誇有功則天下人
無與你爭奪其功也

汝惟不矜天下莫與汝爭能

華

三

矜能也你若不誇其才能則天下人無與
你爭能也

太上曰自見者不明自是不彰自伐者無功
自矜者不長

自專所見者必不明其道也自言已是者

其道德必不顯彰也自誇伐者必無其功也自矜才能者必不得久長也

佛經云不得故自讚毀他即其類也

佛經所言不得讚誇自己毀謗它人也如此者衆

如此相同之言者衆多也

是以聖人雖居異域被機同處如出一口

三教聖人雖時代國土不同其被化機緣相同之處如出於一人之口所言也

但病有淺深藥有殊品而療苦求安其情一

也

結上文意然三教所設各有淺深不同但若病也三聖之言猶如藥也雖有高低差殊品類不同其治療病苦而欲求其安樂者之情意則一理也

獨以戰國縱橫

獨以周道不行戰國縱南北而橫東西各爭天下

時無大器

彼時無有可受聖道之大器人也

故二聖不言世外之典耳

故孔老二聖既知無堪授道之人惟以三綱五常修齊治平之道而化利天下其出世玄妙之典故不以言耳

會名第二十

此稿會同三教聖人之名目故曰會名

四

客曰三聖設教異同之理則聞命矣

謂三教聖人設立教法同別之理皆得聞說矣

敢問聖人原始返終之道可得聞乎

再敢問聖人原其始而知所生返其終而

知所死如此道理可許得聞聽者乎

妙明曰甚哉子之問也

此賞贊容甚大之所問辭也

予隨堂粥飯之流

謙辭云我乃隨眾堂中食粥飯之常流

焉能達聖人起盡之事也歟

焉何善能言通達大聖人初起盡終其大事也歟

然以所知敢告吾子

然此以用已之所知之事取告於吾子也

佛昔居觀史多天

梵語觀史多亦名堯率陀天此云知足天也

故名護明菩薩

佛彼時號護明菩薩亦名勝善天子是也

五

五

降神迦維羅國淨飯王宮以周昭王甲寅二十四年四月初八日於毘婆尼藍園波羅叉樹下於母摩耶右脇而生十九踰城出家成佛其德相妙好

註具問佛篇說

住世七十九年談經三百五十度

佛自降生至於雙林入滅共七十九載自成道已四十九年演教三百餘會談經

以周穆王壬申五十二年二月十五日入般涅槃

穆王事註見在前了

其道本乎明析色心

析分也佛說三乘教法其道本欲分明色心二法即真俗二諦也

指陳因果排列行位

指典陳說先因後果隨其所終而證排列

五十二行位階級也

透脫生死越四暴流河

透過解脫生死之事也超越四暴急流河者謂欲流有流見流無名流也

超三界彼岸

超出欲界色界無色界三也梵語波羅此云彼岸

捨凡從聖得大菩提

梵語菩提此云覺也捨離凡夫而證菩提

之大覺也

末後拈花示衆教外別傳不立文字直指人心本來是佛以正法眼藏涅槃妙心傳付飲光

梵語迦葉此云飲光故如來末後於雙林

華

六

將入滅時持青蓮花以示人天大衆顯教外別傳不立文字直指人心見性本來是佛用此正法眼藏涅槃妙心傳付迦葉

達摩東遷特明此事

梵語菩提達摩此云覺法西天自迦葉爲

初祖相傳至達摩乃二十八祖東遷震旦
故明原始返終之道也

其來也月現江心

祖師其來東土所傳心印如月現於江心
之妙也

其逝也日沉山頂

其歸逝也如日沉西山之頂是也

道高堯舜德邁羲軒

若言其道高則超於帝堯帝舜德邁過於
伏羲軒轅如子貢曰夫子賢於堯舜是也

分身混沌之前流教太虛之始

謂佛祖及其一切衆生本有底陰身於太
極混沌無極之前早有這箇道理是以流
教於太虛之初始也

不生不滅

幸

虛靈本體本來不生不滅

七

出九層圓蓋之天

按易數九者老陽至盡之處道出於九天
之上

無去無來

本體如如豈有去來

超八維方質之地

超出乎四方四隅之八維方所形質之地

大矣廣矣汪哉洋洋哉巍巍乎不可思議者也
此讚佛祖道妙之廣大若汪洋大海又如

五岳巍巍高廣不可思量擬議也

大權菩薩經云老子是迦葉菩薩化遊震旦

大權修利菩薩經中所明此事

與正錄云周定王丙辰二年二月十五日老子降神於亳

永樂北藏

折疑論

毫音朴與正錄說在周定王丙辰二年二月十五日一本十四日子時老子生於楚國陳郡苦縣賴鄉仁里也

毋懷八十一年誕於李樹下遂指爲姓

老氏父姓韓名乾字元卑母曰精敷孕經

八十一年生李樹下因以爲姓名耳字百

陽身長四尺六寸額凸眉竈反唇哲鼻辟

尖顴闊腴耳鬚頭故謚曰老聃也

生而皓首

生而白頭

第一八八冊

爲周柱下史

柱下史者周時掌禮之官

周道既衰戰國縱橫

周轍既衰淳風墜地王道不興於時去國
矣

草

牛駕而行擬遊西竺過函谷關爲關令尹喜
說道德二篇西涉流沙薨於槐里

流沙地名函谷關即今潼關是也槐里亦
地名老子列傳因見周道衰微王綱解紐
修道德以隱其名駕牛車欲遊天竺過函

谷關遇關令尹喜著道德二篇緝事記云
欲涉流沙而不能往廻至扶風薨於槐里
西南渭水之陽一云興平縣是也

其道本乎專氣致柔抱一守真實腹虚心

老子之道專守精氣使不散亂則形體能

應之而能順也故能致其柔和抱一守真

者謂其無爲自然之道一者爲言至也言

更無其二故抱一氣而固守本其也道德

經云實其腹者懷道抱一而守其真神也

虛其心者謂除其嗜欲去其煩惱也

少思寡欲

無私蔽而少貪欲也

視之不足見

道德經云視之不見名曰夷夷者無色之謂謂其道故無色而可見也

華

九

聽之不能聞

經云聽之不足聞名曰希希者無聲之謂也其道故無聲而可聞也

寂兮寥兮

寂者無音與聲也寥者無形而空也如詩

永樂北藏

折疑論

上天之載無聲無臭至矣

獨立而不改

獨立者道更無其二也不改者常化有常也

周行而不殆

既明此無形無影之道則周行天下而無危殆也

然後設無爲之化

明乎已上專氣抱一之道然後可以稱無爲之教化也

第一八八冊

行不言之教

既明如上道妙則可以行無言無說之教
足以還年却老

明已上數句之道則足可以證返老還童
之理

羽駕長生

乘鸞鳳而跨鶴者謂之羽駕其本體而不
滅者謂之長生久視之道也

共陰陽以晦明

陰陽者指日月而言也共與也陰陽而同

暗同明也

與天地而遐久

與其天地同遐久而永遠也

非含和蘊素忘懷守雌者不足與語此道也
若不是含養中和蘊積純真忘其情欲守

華

一若雌之抱卵孳孳而為道者不足以論
此道德也

牟子云清淨法行經云震旦國人難化先以
三聖而往教焉

文出破邪論在藏經既字函上卷也如不

信者請看藏經函

大迦葉菩薩稱爲老子淨光童子菩薩稱爲
仲尼儒童菩薩稱爲顏回

佛說空寂所問經及天地經皆云吾令迦
葉在彼爲老子號無上道淨光在彼號仲

尼爲夫子漸教化儒童在彼號顏回須那
經云吾入滅千載之後教流於東土王及
人民奉戒修善有衆出藏經明字函

興正錄云周靈王二十一年十一月四日生
孔子年譜云周二十二主靈王二十一年十

一月四日孔子生於兗州鄒邑平鄉闕黨里

緡事記靈王在位二十七年庚戌二十一年十一月初四日時老子五十五歲孔子
生於魯國兗州鄒邑平鄉晉昌里生而有
鬚身長九尺六寸腰大十圍手垂過膝河

準

士

自海口龍顏方顙鳳顙燕領虎視雷聲有
中和之德衣莊而嚴色溫而厲有四士表
如世家說

父叔梁紇

下沒切

母顏氏徵

史記世家曰其先宋人也

在適以周道衰微淳風墜地

周道既衰淳厚之風化而墜落地而不能
後振

周流天下

既道衰微諸侯僭位故周流天下而化行
導

高而無位

夫子道德賢於堯舜有君師之德無君師

之位

伐樹於宋

莊子孔子嘗傳道於宋國樹下宋人遂將
樹以伐之

削跡於衛

孔子過衛國其人削其腳跡

見辱於陽貨

陽貨謂孔子曰懷其寶而迷其邦可謂仁
乎好從事而亟失時可謂智乎

被誚於接輿

楚狂接輿見孔子而歌曰鳳兮鳳兮何德之衰往者不可諫來者猶可追已而已而今之從政殆而

畏於匡人

莊子夫子遊於匡宋人周之數匝子絃琴

章

士

而不輟子路入見曰夫子何娛耶宋人欲殺夫子夫子推琴而謂子路曰由來吾語汝吾諱窮久矣而不免命也求通久矣而不得時也當堯舜之時天下無窮人非知之得也當桀紂之時天下無通人非知之

永樂北藏

折疑論

失也世適然夫水行不避蛟龍者漁父之勇也陸行不避兇虎者獵夫之勇也白刃交於前視死如視生烈士之勇也知窮之有命知通之有時臨大難而不懼者聖人之勇也是以吾今雖難於此而不怖故絃琴而樂也論語曰天生德於予匡其如予何

圍於陳蔡

論語子在陳絕糧從者病莫能興

窮詞於盜跖

第一八八冊

註見在前

受毀於桓魋

桓魋宋司馬也欲害孔子子曰天既賦我以如是之德桓魋其柰我何
年七十有三而終於魯

卒

三

緝事記孔子年七十三薨於魯葬於城北
今孔林是也

其道本乎道德仁義禮樂

夫子以行其道也則本於堯舜無爲自然
之道德夫仁者心之德愛之禮義者心之

智事之宜禮者天理之節文人事之儀則
樂者移風易俗而主於和也

恭儉溫良慈讓

恭者莊敬也儉者節制也溫者和厚也良
者易直也慈仁而有愛及人也讓者謙遜

也

文行忠信

論語子以四教文行忠信教人以學文修
行存中信也忠信爲人之本也

祖述堯舜

中庸遠宗堯舜之道

憲章文武

中庸近守文武之法

刪詩書

刪除削也定公元年季氏強僭其陽虎作

亂專政夫子退而削去詩中繁文異辭書

中三墳三典

定禮樂

家語夫子適問篇周禮於老聃訪樂於萇

弘然後定其禮樂

讚易道

讚周易而講明天道及說卦言繫辭等也

補春秋

韓宣子適魯見孔子曰易象與魯春秋蓋

周之舊典也何不修之因魯史策書成文

華

西

就加筆削所補之者人道恢王道備矣

作孝經

與曾子所言者是也

理歌器

家語孔子觀於魯桓公之廟有歌器焉問

於守廟者曰此謂何器對曰此蓋爲宥坐之器也子曰吾聞宥坐之器虛則欹中則正滿則覆聖人以爲至誠故常置之於坐側碩爲弟子曰試注水焉乃注之果然中則正滿則覆夫子喟然嘆曰嗚呼夫物焉有滿而不覆也哉子路進曰敢問持滿有道乎子路聰明聖智守之以愚功被天下守之以讓勇力振世守之以怯富有四海守之以謹此所謂損之又損之道也受道於漁父

事如莊子漁父篇

問禮於老聃

註見前

正三綱

三綱者父子君臣夫婦也

華

圭

明五紀

五紀者仁義禮智信

配天祀帝享祖尊親

事出孝經

僕妾竭其懽心

孝經治家者不敢失於臣妾而况於妻子乎故得人之懽心

臣子盡其忠孝

論語事父母能竭其力事君臣能致其身居家理治長幼順從

孝經居家理治治可移於君事兄弟故順可移於長

身揭日月之明

揭負也言身負其道如日月之同明道歷乾坤之固

夫子道德歷代封謚如天地之永固此畧其實也

此乃畧少而言夫子之實跡也

然聖人之道

此下述顏子之言以贊夫子之道也

仰之彌高

論語顏子喟然嘆曰聖人之道仰之彌高不可及

鑽之彌堅

鑽彌堅不可入

瞻之在前忽然在後

在前在後恍惚不可以爲象此顏子深知
夫子之道無窮無盡無形無體而嘆之也
高堅者爲學難進謂前後瞻之惚然者捉
摸不着之義此形容夫子之道體而不可

率

夫

及也

居則善地心則善淵迎之無首隨之無後
老子云居善地心善淵迎之不見其首隨
之不見其後此形容老氏道體玄妙而不
可及也

生而無生滅而無滅

即釋氏不生不滅之道也

離相寂然絕諸戲論

總結上文意既入離相寂然之道乃絕盡
世間之事故一切所作皆爲戲論之事此
形容釋氏道體玄妙不可所及也

且誰能果知其昇降隱顯原始返終之道也
此總結三教之妙而謙辭云且今誰便善
能果敢言盡知其高低明暗原其始生而
盡其返終之道也哉

客稽首再拜曰非子之說吾不得聞聖人至道如此其大者也

頭至於地拜而少頃不起曰稽首也再拜而謝之言曰若不是妙明子之所說我不能聽三教聖人有此廣大之至道者也

薛

西域師子註斯已畢復述一律以申愚意彥美當時著折疑引明三教化愚痴深窮要妙弘先覺博覽玄微使後知道典宛然合道理儒書成以契儒規於中字字括經史肯綮育襟反自欺

永樂北藏

折疑論

唐肅宗皇帝御製三教增詩二十一首
叙問第一

終南隱迹坐枯禪忽有人來發問端往日爲儒談禮義今朝削髮講泥洹愚徒偏執分三教智哲開明理一般每向大雄峰頂望群山

碣磬共相攢

聖生第二

法身寥廓本無生爲度機緣降梵宮遊翫四門觀皎相巢棲六載悟真空慈雲普覆三千界法雨周流萬國中直指含靈真面目愚朦

第一八八冊

遮障不能通

問佛第三

聖人謚號豈能宣五帝三皇意亦然報化應機同水月法身周遍等空天頭頭物物真如性密密綿綿般若禪透過這些關捩子玄玄

誰道不玄玄

喻舉第四

紛紛含識患沉痾大聖醫王妙藥多浩浩經文盈海藏雄雄玉偈滿娑婆二篇道德求仙法五義言詞治世科堪嘆井蝸居淺水誰知

東海有倉波

宗師第五

世尊顯化在西乾後漢明皇教始傳梁武傾心歸寶誌隋文致意敬曇延東坡尚乃叅佛印韓愈猶然禮大顛謗釋愚徒學解淺不推

萃

丈

列子仲尼篇

通相第六

貌陋仁心古聖人混元造化定初分蛇身大鰥開天祖牛首神農治世君舜目重瞳懷道德堯眉八彩有功勲非常行狀非常德莫謗

如來金色身

論孝第七

出家行孝異尋常鬚髮蠲除未毀傷泰伯文
身稱至德荆軻殞命號忠良比干剖腹剝心
死芥子焚軀抱樹亡仁義蓋由方寸造形服

改變碍何妨

拒毀第八

沙門絕嗣越常倫化外風光別有因妻子牢
囚難出離利名羅網早抽身夷齊隱跡無三
友巢許韜光少六親大事小人難忖量任他

譏謗慢勞神

評議第九

野人冷眼笑王侯晚拜衣冠并不修太皞軀
形并跣足神農露頂又擊頭漢王問道歸何
尚堯帝尊賢敬許由若論納僧生計事青山

草

九

綠水自悠悠

舉問第十

不信佛經論鬼神儒宗教典有明文滿天雨
雪誰人降震地雷聲耳自聞豈負鬼車周易
語明言神降孔丘文細分九品龕三類善世

叮嚀說與君

解域十一

人才治世出中原未必中原箇箇賢桀紂克
殘無禮義嬴秦暴虐有冤愆堯王西長仁慈
善舜帝東生道德全物外風光知者少如來

私化在西乾

釋謗十二

衲僧煉性慕林泉只爲衣食入市廛誤犯尸
羅因養道雙學商賈且隨緣嚴陵垂釣沙灘
上呂望直釣渭水邊君子小人分兩路任他

愚鹵與高賢

辨施十三

謗僧驕態處華堂佛法威光大闡揚聖像莊
嚴金晃曜殿宇彩畫玉輝光修行納子禪心
淨辨道緇流戒定香難比幽王寵褒姒不同

秦始建阿房

殊見十四

虛空法界總包羅水鳥山花漏泄何智者了
然心灑落愚徒迷昧意蹉跎悠悠琴韻知音
少壤壤巴歌和衆多奉勸世間邪見子收心

早早念彌陀

隨宜十五

薄福衆生別有由慳貪嫉妬苦追求三網五
常猶難信十善八齋未肯修犬喫糠粃甘美
美牛聽琴韻冷秋秋輪回六道何時了苦海

草

干

誰人下釣鈎

優劣十六

時人不解養丹田佛法誰能敢授傳八解六
通心地印三身四智體中圓吞霞服氣長生
法跨鳳乘鸞自在仙若也蘊空云是道周公

孔子豈昇天

先知十七

西天佛祖現威靈東土先知有幾人三教聖
人無彼此一生愚魯盡貪嗔扈多劉向高名
遠孔子蘇由見趣真山水悠悠十萬里分明

指出法王身

尊釋十八

化遊天竺聖中王老氏宗師號古皇一辨旃
檀熏法界幾枝優鉢散花香西昇經內分明
載靈寶篇中又闢揚道德廣開矇昧眼休爭

人我惱心腸

言符十九

釋道儒流一化風休分南北與西東五常五
戒何曾異三果三歸本自同老子掌中明至
理達麼面壁顯真空時人不解源流意是是

準

主

非非甚日窮

會名二十

東土西天長聖人鼎分三足定乾坤顏曾禮
義家家有孔孟文章世世存佛祖真經十二
部老子道德一雙門流通宇宙扶皇化海晏

河清日日新

總頌

歷代名儒誦佛章始知西域教非常摧邪顯
正張天覺捨偽從真白侍郎謗佛篇中無呂
杜傳燈錄上有蘇黃聰明更有過先哲優劣

心中自揣量

折疑論詩終